

堅

瓠

集

堅瓠餘集卷之四目錄

主試外聘

雜流登第

外國人進士

景泰癸酉榜

與史中式

張公記夢

木刻孔明像

長子城

華山畿君

鹽神炭神

鬻爵

尙父

行香

十石米

無立錐地

瓦盆米花

綠袍女子

堯九男

舞柘枝

樹妖

木中字

木紋如畫

樹化石

獄囚自脫枷杻

偏腸

治難產方

卧胞生

元神見形

瑞雲峰

醉石

活石

廉石

空心髮

蒜髮

破瘡飛雀

孔雀舞

林九姑

人物坐化

帝召李賀

尊吳江塔

武侯前知

金姑娘娘

戚公爲水神

雞卵異

白團

子類不宜食

字卯

方卯

義熊

蝌蚪伸窈

村叟夢驚

二驚吟詩

驚逐人

夾浦江豚

女丈夫

人妖公案

藍道婆

俗語

鏤身

射書擊衣

閻王

堅瓠餘集卷之四

長洲石農褚人獲學掾纂輯

主試外聘

明初取士鄉場主試不必部推不由欽點
例皆外聘或出巡按或出方伯皆得聘之
不特進士在官者可聘即請告家居及非
科目中人現身無官者但取名望素著亦
得應聘如洪武壬子科崇德貝清江瓊曾

主浙江鄉試正統丁卯科江西吳康齋與
弼曾主南畿鄉試元武康令沈夢麟入明
五主閩浙鄉試又元學士滕克恭入明聘
主河南鄉試蓋彼時人心猶古以關節賄
賂倖中爲可耻自嘉靖辛酉無錫吳情主
南畿鄉試所中皆其親故爲人所劾奏遂
定制南人不得典南試矣

雜流登第

明高皇初設制科九流雜職暨僧道亦得
預賓興多有登第識小編試 武辛未榜
眼吳言信以抄鈔局副使中式宣德癸丑
狀元曹鼐以泰和典史魁大廷正統壬戌
李森以都察院吏鄭溫以松陵驛丞聯捷
戊辰燕山衛小旗汪甫禮部辦事官舒庭
謨景泰庚午順天解元劉宣乃盧龍衛軍
聯捷甲戌翰林院譯字官吳正天順甲申

劉淳亦諱字官文欽天監天文生馬愈成
化乙未錦衣衛小旗李旻戊戌山東舊縣
驛丞譚溥聯捷辛丑榆林衛軍李且甲辰
岷州衛吏王璠富峪衛總旗張綸皆以雜
流登第不知此例廢於何時使雜職遺賢
不克躬逢盛典爲可憾也教職登鼎甲者
萬曆壬辰狀元侯官翁正春丙辰榜眼江
夏賀逢聖崇禎甲申闔門殉節謚文忠

外國人進士

明初文教覃及海外外國英才學於中國而登進士第者洪武辛亥金濤乙丑崔致遠皆高麗延安人赴闕會試成進士濤授東昌府安丘縣丞致遠以不習華語歸還其國爲官未幾以洪倫金義之亂禁止會試景泰甲戌黎庸交趾清威人阮勤交趾多翼人天順庚辰阮文英交趾慈山人何

廣交耻扶寧人成化己丑王京嘉靖癸未
陳儒俱交耻人阮勤任至工部左侍郎陳
儒仕至右都御史萬曆中高麗許筠許筠
皆舉本國狀元而筠慨慕中華以不得試
天子之廷爲耻久道化成於斯可見

景泰癸酉榜

景泰四年癸酉科順天鄉試中式二百五
十名雜流中式之多幾及四十人內儒士

十八翰林院譯字官一人吏部聽選官一
人戶部書筭一人工部承差一人刑部都
更一人衛令史一人衛史一人太醫院醫
士四人欽天監天文生二人武生一人軍
餘九人衛舍人三人軍一人燕山衛小旗
一人可見立賢無方之意○按是科解元
羅崇岳江西廬陵人治詩以順天香河籍
中式榜後群攻冒籍詔充原籍學生丙子

又領江西鄉試三十九名

典史中式

典史中式不獨宣德癸丑泰和典史曹鼎
洪武中先有建寧吳琬闈省鄉試中式以
選官程顥為江夏典史建文己卯復中湖
廣鄉試庚辰成進士任戶部員外永樂乙
未福清曾佛以山西太平典史中式任馬
湖教授兼魁大廷入內閣故獨傳耳

記夢

山天樓隨筆載先王父石橋公年五十尙
艱嗣郎有總甲王解二者一夕夢持公移
行途遇一翁及媪媪抱兒翁肩錢暨書劍
謂言若非郎之某即曰然曰張公號石橋
者在郎不曰在曰是吾子也數苦艱嗣吾
抱此兒與之若公事畢藉若爲郵寄王許
之遂別投文于府官怒其愆期王曰非敢

後也即有歛人張某號長者無子適伊父
母以孩托吾寄去立談少頃不覺其晏官
怒霽曰喚翁嫗來質實則宥汝于是二老
負荷以進官曰是然吾爲若兒名曰繼祖
翁曰予族已有名繼祖者復命之曰節之
遂留兒及伴兒物勅令翁嫗去俄遣白馬
一并兒錢書付王王出府上馬行倏忽至
郎水即送與先王父見家已預設香燭以

迎王交屍訖遂覺心甚異之黎明急趨告先王父時萬曆乙亥陽月也次年是月而舉先君所謂繼祖者初實無之後有族伯于嶽舉一子與先君同庚同月偶名繼祖遂符前夢云按黃岳先生尊翁諱正茂號松如卽夢中所授之兒也

木刻孔明像

嘉隆間金陵沈越聞見雜錄載按江西時

過白鹿洞書院內諸葛孔明木刻小像諸
主焚香供之詢其所以皆云其來已遠未
知所由後觀朱文公年譜言先生嘗作卧
龍菴祀孔明卽其地而木刻像乃文公所
立彼時門人言其微意有在蓋朱子之意
以高宗南渡之後偏安江左委靡頹墜不
能振發恢復疆土以雪仇故於孔明致意
焉惜乎人無有能知之者

長子城

潞安府長子縣城堯長子丹朱所築故以
名縣縣去府治三十里當孔道車馬往來
絡繹萬曆中余祖麟郊公以府佐攝是邑
云縣素有怪夜半有衣冠者出遊或時至
公堂胥吏輩群然走避以爲常縣尹霍鵬
者初至疑之爲徙後園數塚怪仍不止乃
爲文具牲醪告焉其弟忽作鬼語曰某河

南人也爲教官陳某妾隨署是邑被嫡陵
虐至死葬我後園西北隅思欲報之故爲
祟耳霍曰若此吾爲汝改葬可乎曰吾事
發當在後三十年今非其時改葬無益自
此怪亦止

華山畿君

朱秉器漫紀宋南徐有一士從華山往雲
陽見客舍中一女年可十八九悅之無因

遂成心疾母詢之得其隱往雲陽見此女
言及其故女聞之感慨不勝因脫蔽膝令
母持歸暗藏病者蓆下卧之得愈數日果
瘥一日舉蓆見蔽膝持而痛泣氣幾絕囑
其母曰他日嗇我須從雲陽過母如其言
比至女門牛任鞭策不行須臾女沐浴粧
飾而出曰華山畿君旣因我死我活爲誰
君若見鱗棺木爲我開裂言訖棺開女遂

投久氣卽絕因合葬焉呼爲神士家樂府
有華山畿本與梁山伯祝英臺事同

鹽神炭神

海錄碑事李嗣昭守上黨爲沙人所圍城
中鹽炭俱盡嗣昭禱天地俄而城生鹹取
以前煎鹽甚美又復掘得石炭晉王自將解
圍躬奠其地立二廟曰鹽神炭神世崇奉
之又世紀廩君射死鹽神

鬻爵

事物紀元載鬻爵始於漢文帝受晁錯言
令人入粟與官及援武帝靈帝事殊不知
秦始皇時飛蝗蔽天下詔百姓納粟千石
拜爵一級蓋在漢文之前此鬻爵之始也

尙父

古今之事雖書史所載亦難憑據如太公
八十遇文王世所知也然宋玉楚詞云太

公九十乃顯榮今誠未遇其匡合東方朔
云太公體行仁義七十有二乃見用于文
武太公之年得東方朔減了八歲却被宋
玉增了十歲當以何爲准一友笑曰以多
補少當以八十爲是

行香

行香起于後魏及江左齊梁間每燃香薰
手或以香末散行謂之行香唐初因之文

宗朝省椽奏設齋行香事無經據乃罷宣
宗復釋教其儀遂行朱梁開國大明節百
官行香祝壽石首天禧中竇正固奏國忌
行香宰臣跪爐百官立班仍飯僧百人卽
爲定式宋及元明暨國朝至今用之

十石米

宋蔣津葦航紀談韓彥古爲戶曹尙書景
宗問曰十石米有多彥古對曰萬合千

升百斗廿斛遂稱旨

無立錐地

今俗謂人之至貧者則曰無置錐之地此語蓋自古有之韓非子云堯無膠漆之約於當世而道行舜無置錐之地於宇內而德結又史記優孟傳孫叔敖爲楚相死其子無立錐之地又後漢郭丹蜀諸葛亮傳俱有此語

瓦盆冰花

宋餘杭萬延之家有一瓦盆冬月注水冰
凝成花初若茶花之類久之跌置檀蕊皆
成直花或時爲梅或時爲菊或時爲桃李
以至芍藥牡丹諸名花皆交出之後隨其
所變看成何花一日忽作冰村竹屋斷鴻
孤鷺之態初不可是其色目也遇凝寒必
燕家觀冰花人亦攜酒餽就其家觀焉

綠袍女子

朱敖隱于少室山陽翟縣尉李舒在岳寺
使騎招敖乘馬傾駢從者在後行至少夷
廟下時盛暑見綠袍女子年十五六姿色
甚麗敖意是人家臧獲亦訝其暑月挾纊
馳馬問之女子笑而不言走入廟中敖亦
下馬入廟不見有人遂壁上觀畫見綠袍
女子在焉乃途中所觀者也

堯九男

宋許觀東齋紀事載孟子堯使九男二女以事舜於畎畝之中趙岐注云堯典曰釐降二女不見九男獨丹朱以徹嗣之子釐不以距堯求禪其餘庶無事故不見於堯典今按呂不韋春秋云堯有子十人而與舜貴公也然自丹朱之外不特八庶子而已皇甫謐帝王世紀云堯娶散宜氏之女

皇朝集 卷四 三
曰女皇生丹朱又有庶子九人其數正與
呂不韋合蓋使事舜時丹朱以嫡子故不
在所遣中趙岐云八庶蓋未之考耳

舞柘枝

宋俞琰席上腐談向見官妓舞柘枝戴一
紅物體長而頭尖儼如角形想卽今之罽
姑也瑣碎錄云柘枝舞本北魏柘拔之名
後則易而爲柘枝也

樹妖

萬曆丁酉柘城縣報稱本縣柳樹內偶出
人物各類人馬冠裳等像爲牧童驗拾見
存嘉興姚思仁時巡按河南取歸以柳樹
內人物示客陳眉公曾見之載於見聞錄
已而考之南唐末年溧水天興寺桑木生
人長六寸如僧狀左袒而右跪衣械皆備
其色如純漆可鑑謂之須菩提縣令摘置

龍中以仁壽節日來獻烈祖驚異迎置宮
中奉事甚謹其徒因夸以爲感應不三年
烈祖崩

水中字

茅亭客語爲蜀廣政末成都唐李明因破
一木中有紫紋識書太平兩字欲進蜀王
以爲嘉瑞識者云不應此時須至破方
見太平爾果自聖朝弔伐之後頻頻曠蕩

之恩救民於水火又改太平興國之號識者之言驗矣○又徐鉉稽神錄建康有木工破一木中有肉五斤許其香如熟猪肉此又不可以理窮究者矣

木紋如畫

大中祥符六年綿州彰明縣崇仙觀栢柱上有木紋如畫天尊狀毛髮眉目衣服履舄纖縷悉備知州劉宗言奏聞奉旨令津

置赴闕送王清昭應宮民皆圖畫供奉之

樹化石

貴州兵備道內有山山間有樹不知其名由根而幹盤結成石其枝旁出者悉化爲石窺其中則猶有木也其葉上達翠色可愛嘉靖丁巳兵憲焦希程記其事後閱白孔六帖載回紇康于事斷松投河三年化爲石豈如茲樹化石生生不已哉

獄囚自脫枷杻

宋錢功澹山雜識載謝寶文景溫初任獄官忽倉皇自外入急閣中門家人問之但云有囚善作法枷杻自脫勢必見害其家一老僕告之曰可速往取筆搦于搦其兩中指復杻之必無能爲景溫亟出用其言賊法遂不能神

備臆

宋顧文薦船窓夜話載四明延壽寺一僧
自自至踵平分寒熱莫曉所以徧問名醫
無有識者雖以意投藥皆不効街有道人
囊藥就市入皆忽之既出不得已召而問
之道人曰此生偏腸毒也藥之而愈

治難產方

呪語一奇僧傳難產方用杏仁一箇去皮
一邊書日字一邊書月字外用熬蜜爲丸

或滾水或酒吞下試之有驗

卧胞生

見聞錄婁東王荆石相國始生冷無氣母
驚謂已死有隣媪徐氏者諦視良久笑請
曰此俗名卧胞生吾能治之使活當大貴
但不免多病累阿母耳趣使治之其法用
左手掬兒右手摑其背百餘逾時嚏下而
醒六歲中痘母常下樓謁巫見一白衣人

長丈餘闌立凝視若有所言母驚踣樓下
神亦不見以爲不祥然竟無恙

元神見形

萬曆初馮保客徐爵久奉長齋未得罪之
前一年忽見寸許童子行几上驚問之曰
吾乃汝之元神也汝不破齋不得禍否則
禍旋及之矣已而蒲州相公召飲強之食
始破輩血未幾遂以論奏逮下詔獄

瑞雲峰

吳中大湖石之絕奇者惟徐尚卿園中之
瑞雲峰。峯石高三丈有奇，相傳爲朱勔手
斲。魁岸離奇如鬼，列神鎔蓋玲瓏妍巧，出
於天成。朱勔敗，此石棄置荒郊。明初爲上
堡，陳蔡酒壽所得，移置舟中。石盤忽沉，覓
不可得。僅峙其峰，旋爲烏程董氏構去，載
至中流而船亦覆，乃破貫莫善泗者取之。

先得其盤而石亦隨手出死然劍合延平
津嘉靖中遂爲徐氏所有園在闡門下塘
前輩稱此石每夜有光燭天但此石若初
豎家人家君不利峰旁又有二峯亦壯麗
然僅足充瑞雲衙官耳雁行非所敢也

醒石

人知有平泉之醒石而不知有栗里之醒
石廬山記曰陶淵明所居栗里兩山間有

大石仰視懸瀑可坐十餘人號曰醉石

活石

天都載載海陵聖果院有石井欄南唐保
大中造舊有纒迹深寸許今復生今疑爲
活石又衡州府羊角山石其活尤異石在
府治樵樓前有人自西蜀青城山來尋羊
角山石鄉人指示之其人扣石云青城山
有書石忽開書入石復令人亦不知所往

廉石

晉陸績爲鬱林太守罷歸不載簞負舟輕
不可越海用巨石重之至姑蘇因置其門
號鬱林石向在臨頓路吳文定匏菴集有
廉石記天順間移置察院前又齊書虞愿
爲晉平太守海邊有越王石常隱雲霧相
傳惟清廉太守得見愿往觀清徹無隱蔽
愚謂此石真可名廉石

空心髮

俗諺以蘇人髮盡空心蓋謂髮無中虛理
譏蘇人作事空虚也不知人之髮中無有
實西陽雜俎載魏有句驪客善用鍼取人
髮斬爲數段以鍼貫取之皆聯絡相承可
見髮皆中虛不獨蘇人爲然也設使天下
獨蘇人之髮空心正見蘇人玲瓏剔透處

蒜髮

今人年壯而髮斑白者目之曰蒜髮較畊

錄作算髮以爲心多思慮所致蓋髮乃血之餘心主血血爲心役不能上應乎髮也東齋紀事云蒜髮猶言宣髮也本草蕪菁條下云蔓菁子壓油塗頭能變蒜髮陸德明云易說卦巽爲寡髮寡本作宣黑白雜爲宣髮也○項後白髮曰素領漢馮唐白首爲郎官素髮垂領

破瘤飛雀

三國志註中載華佗破瘤飛雀事人爲理之所無而聞奇錄載唐金州防禦使崔堯封有甥李言吉者左目上眶忽癢生一瘡漸大長如鷓鴣卵其根如弦恒壓其目至不能開堯封患之飲之酒醉而剖去之言吉不知也贅旣破中有黃雀鳴噪而去乃知華佗事非妄也

孔雀舞

孔雀出滇南續漢書云出西域條支國一名孔都護又名文禽李昉名曰南客康熙癸未人餽劉藩憲二孔雀養于財帛司行官已死其一甲申春子往觀見其尾長數尺金碧晃耀遇婦女服錦綵者則舞舞則奮張其尾團如錦輪吳都賦所云孔雀綵綵綵羽而翱翔是也

林九姑

閩古田有喬松松下祠神曰林九姑松固
輪困成林而柯九出祈禱者雲集靈應如
響福清毛秉義貧不能歸求濟於神書券
告貸置案上翌日松枝上有羅納裹金數
九十義得之大喜持歸數年息千倍初無
償意姑忽以聲至其家見索起居飲噉皆
如義人但盛爲供具枝詞軟語終無償意

姑曰不償吾金恐貽禍在胤子義卽匿其子於師家戒勿出姑曰見安所匿顧兒無罪也吾但焚爾居義復爲之備數日火起義有叔曰孔墀亦在救焚始告之曰公貴人也公家安得有負義如義者不念資所自來而久負至索又不與吾非欲奪其所存祇還其所本無耳自是義貧如洗孔墀中萬曆甲戌進士任戶部郎

人物坐化

說猶載僧伽坐化謂趺坐而化僧會立化
謂端立而化僧志閑行化謂隨行隨化鄧
隱峯倒化謂倒立而化不知物亦有坐化
者唐雜志有坐化鸚鵡焚之有舍利後山
談叢廬山有坐化猫峽中有坐化狗獼李
公擇家有坐化蛇夷堅志宋天柱寺有立
化雉青州大聖院有坐化蝦蟇天慶觀有

立化大衢州七星橋有蹲化羊吾蘇瑞光
寺放生池有立化雞洞微志僧卜驄游五
臺將歸有僧以書托寄東京勃賀至京不
見其人一日郊遊見小兒逐大猪云勃賀
勃賀問之云此猪能令猪群不亂逸愛食
薄荷故名以書投之猪食之卽人立而化
帝京景物畧萬曆中建慈惠寺有伏化蜘蛛
物有鳳根信然

帝召李賀

上帝召李賀記白玉樓事新舊唐書皆不
載惟見于李商隱小傳云聞之長吉姊嫁
王氏者千古傳之遂爲佳話又宣室志載
賀卒母夢賀曰上帝遷都曰瑤宮作月圃
凝虛殿命賀與文士輩纂三章天上差樂
願母無以爲念豈因賀母之夢而商隱遂
神其說云

華吳江塔

吳江塔欹側已久康熙癸未奉縣令出示募人修整久之無人應募忽于夏間有人投詞云能正塔令奇而面詢之問用工費若干荅云所費不多止用壯夫一百二十人棺板一百二十塊各帶畚鋤豫備大土基若干至期眾工酒肉食之須飽令以其言太易忽之數日後定期六月十八黃昏

起工至期大風雨役衆工搜去塔脚一處
泥土各以板從低處敲起而以土基塞之
其人於四周遍視衆工但聞風濤聲如是
者一夜至暮風雨亦息人視塔已正矣

武侯前知

隋書史萬歲征南寧夸人蜻蛉川經大小
勃弄見諸葛武侯紀功碑云萬歲後勝我
者過此萬歲乃倒其碑而進蜀古績記曹

彬代蜀詣武侯祠謂孔明雖忠于漢然疲竭蜀之軍民不能復中原之萬一不得爲武欲折毀之俄報中殿摧塌有石碑出上云測我心腹事惟有宋曹彬彬遂令郡守新其祠宇爲文祭之而去宋史狄青破儂智高見孔明紀功碑云後有功在吾上者立石于右青果立之其右後爲震雷所擊孔明歷歷前睹若此真神人哉

金姑娘娘

康熙癸未夏吳中乏雨有人自江北來傳
有一婦趨柴舡行數里卽欲去云我非人
乃驅蝗使者卽俗所稱金姑娘娘今年江
南該有蝗災上帝不忍小民乏食命吾渡
江收取麻雀等鳥以驅螞蝗汝傳諭鄉農
凡有蝗來稱我名卽可除船錢百文在汝
家門首可歸取之俄不見已而常州一帶

果有蝗從北來鄉農書金姑娘娘位號揭
竿祭賽蝗卽去後聞人言崇禎庚辰辛巳
間向有金姑娘娘紙馬六十年來並不刷
印至今歲復興大獲其利于家庭中秋間
果無鳥雀至冬復集

臧公爲水神

餘姚公 滄湖景泰辛未進士與丘文莊
澹交善以編修服闋上京渡錢塘江忽風

濤大作有絳紗燈數百對大夫九人帶劍
乘馬飛馳水面舟人大恐戚曰我知之矣
推窓九人下馬跪拜戚曰若非桑石將軍
九兄弟耶曰然戚曰去我諭矣九人等皆
散戚命返棹抵家謂家人曰某日吾將逝
矣及期沐浴朝服坐向九人率甲士來迎
行踐屋瓦瓦皆碎戈矛旗幟晃耀填擁
有頃公卒車騎前後呼衛隱隱入空而沒後

文莊夫人自南海浮江而上過鄱陽湖夜
夢達官呵擁入舟請見夫人曰吾編修戚
瀾也昔與丘先生同官友善義不容坐視
特來報知三日後有風濤之險隻帆片櫓
無存可亟遷于岸夫人驚覺如言移止寺
中未幾江中果有風濤衆舟皆溺夫人至
京白其事于文莊以聞于朝遣官諭祭文
莊爲文祭之楊用修載其事于丹鉛錄

雞卵異

奇聞錄載唐詢家庖妾攜雞卵數枚忽一
墮地中有觀音像坐蓮花傍列善財龍女
淨瓶柳枝皆具舉家驚異取以供奉遂棄
其餘不食又天都載唐文宗以長安中緇
徒日衆命有司詔中外罷緇徒說法會尚
食吏修御膳烹雞卵方然火忽聞鼎中有
聲聽之乃群卵念觀世音菩薩也更具以

聞文宗歎曰不知浮屠氏之力如是耶因
頒詔郡國各于精舍塑觀世音菩薩像并
詔尚食吏自後無以雞卵爲膳

白團

冥報記周武帝好食雞卵賀拔虎爲監膳
儀同開皇中死而復蘇云被攝証武帝進
白團事儀同不識左右曰白團雞卵也虎
謂人曰食子類其罪不減於殺生也

子類不宜食

支遁幼時與師論物類謂雞卵生用不足
爲殺師不能屈師尋亡忽現形投卵于地
殼破鵞行頃之俱滅遁感悟遂蔬食終身
又齊李道念好食雞卵晚得奇疾褚澄投
以蘇汁吐出一十三物剖開皆雞雛頭脚
羽翅皆具又梁詩有一婦以雞卵白和沐
使髮光黑每沐輒破二三十枚臨終但聞

髮中有數雞雛之聲又宋東平董瑛知澤
州將嫁妹妹人餉雞卵三十枚食其七而留
其餘掛于堂內梁上已而妹婿至庖妾請
供晨餐瑛夜夢二十三小兒自梁而下同
詞乞命中一女着裙帔而跛足旦起頻面
適妾取卵二十三枚過瑛方憶昨夢命舍
之求牝雞分抱皆成雞惟一雌者病足瑛
目是不殺生

字卯

碣石剩談寒川有老婦養子數歲就村塾
每午歸必索啖一日母雞方生一卯命取
充啖兒諦視驚云卯有楷書二行云曹夫
起心一生辛勤枉爾生字畫精楷若鐫刻
者然衆相傳玩咸爲怪異未幾頓遭回祿
或者其兆云

方卯

鳥卵皆圓鳥卵而方有曰無黃一人於鳥巢中得一方卵破之果然見成丁百鳥志

義熊

王慎旃言聖師錄晉昇平中有人入山射鹿忽墮一坎內見熊子數頭須臾有大熊入瞪視此人謂必害已良久大熊出果分與諸子未後作一分與此人此人飢久冒死取噉之既而轉狎習每旦熊母覓食

還輒分果此人賴以支命後能字大其母
一一負將出子既出盡此人自分死坎中
乃熊母復還入坐人邊人解其意便抱熊
足熊跳出遂得活

蚪斗伸冤

聖師錄天啓中紹興郡丞張佐治擢金華
守去郡至一處見蚪蚪無數夾道鳴噪皆
昂首若有所訴異之下輿步視而蚪蚪皆

跳踰爲前導至田間三屍壘焉張有力挈
二屍起下一屍微動湯瀝之頃復活曰我
商人也見二人肩兩筐蝌蚪送市傷之購
以放生二人曰此皆淺水雖放人必復獲
前有放生池我從之至此不虞揮斧遂被
害二僕隨後尙遠有腰纏必誘至殺之奪
其金張命亟捕之人金皆得以屬其守石
公崑玉一訊皆吐實抵死腰纏歸商

村莊遺稿

本堅志乾道中崑山近海村中一老叟夢
河內泊大舟舟中罪人充滿皆繩索纏縛
見叟來各哀呼求救繼而舟師攜錢詣門
糴米寤而怪焉迨旦啓戶岸下果有一舟
舟子市米與夢合亟趨視滿艙皆繫也網
縛莫展詢其所之曰販往臨安叟悚悟此
夢間所直若干索錢三萬叟如數買之盡

解縛放諸水，是夜夢數百人，被甲於門外，
唱連珠，喏驚出視之，相率列拜，謝再生之。
恩令君家五世大富，一生無疾，壽終生天。
自是叟愈康健，生計日益。

二驚吟詩

建炎末，王承可侍郎居分寧田舍，一夕夢
黑衣男女約三十輩，兩人如夫婦立于前，
餘皆列於後，泣拜乞命，夢中似許之，明晨

問步門外逢村民負蟹來傾置地上二大
者居前餘二十六枚在後恍惚如夢中所
見遂買而投諸深溪夜復夢二黑衣人來
謝且吟詩兩句云放浪江湖外全勝沮洳
時超然有自得之意

蟹逐人

大理司直陳棣嗜蟹所居山邑艱于得隨
得則食紹興壬戌夢遶通衢見蟹二十餘

出水行甚遽且將齧已急走還及門鱉亦
踵至復趨堂上相逐愈急窘甚登床鱉競
緣四脚而上棣大怖謂曰我無食汝意何
爲見迫叱之而寤明旦啓門有僕持劉元
中書致一竹篋餉鱉二十八頭視之絕類
昨夢所覩元中僕善捕鱉赤手行水際察
砂石間則知鱉所隱日獲數十以施親黨
棣舉所餉放諸溪自是不復食矣

夾浦江豚

聞見錄三吳雖稱澤國素無潮汐萬曆丁丑間夾浦橋瓜涇港口有二大江豚吹浪鼓風舟多覆溺漁人不敢網網卽磨禍又有一小者似獺非獺似豚非豚夜則潛入沿涯民家卧榻鼾睡人弗敢逐逐者疾作歷年洪水爲災田禾湮害橋梁崩圯比及三載旱荒而是怪亦漸滅矣

女丈夫

古來女子詐爲男而有官位者南齊時東陽婁逞能慕解文義變丈夫服仕至揚州議曹錄事尚丘木蘭代父征戍十年而歸除尚書不受杜牧之有木蘭廟詩五代女子黃崇嘏易男服作司戶叅軍治事明敏胥吏畏服惟與老姆同居唐貞元末有孟氏者二原董橋店媪也彭城劉頗自渭北

入城宿店中見媪年可六十衣黃衣大裘
烏幘跨門而坐問左衛曹曹李士廣何官
廣且答之媪曰此四衛耳廣問之媪曰吾
年二十六嫁張譽爲妻譽爲朔方兵馬使
日在汾陽王左右而吾貌酷與譽類譽卒
汾陽傷之遂衣丈夫衣冠投名爲譽弟任
前職事汾陽寡居十五年汾陽薨吾年七
十一軍中累奏兼御史大夫忽思筑獨嫁

此店潘老爲妻生二子曰滔曰渠後媪年
百餘歲卒益親同一異也男服二異也累
奏爲御史大夫三異也七十又嫁又生二
子四異也壽百餘而卒五異也事載乾
子又劉士珂赴選晚入徽安門旅店皆滿
惟一肆閒寂一人倚劍立門珂因留宿既
入少選傳云祭酒屈郎君晚膳引珂擁爐
飲酒昏時共被乃婦人也囑珂勿與他人

語訊其所由則功臣李抱玉主課青衣石
氏因亂抱玉挾名奏授國子祭酒見唐雜
記又四川西充女子代父從征以功投郡
尉歷官數載而歸嫂見其腰軀肥大疑而
嘲之女乃置酒邀親里會飲剖腹以示無
他人皆敬而哀之葬順慶鳳了山翁仲猶
存名都尉塚見碧梧雜錄又元末保寧女
子韓氏年十七遭兵亂慮爲斬掠僞爲男

子服混處民間既而居兵伍中七年人莫
有知者後從王玲兵掠雲南還邂逅其叔
攜之歸成都以適尹氏同時從軍者皆驚
異之又弘治中金陵女子黃善聰年十二
喪母父攜之行販江北乃假粧爲男父死
改姓名曰張勝合鄉人李英爲夥六年歸
仍處子英後聞之求娶善聰堅拒之事聞
于朝詔爲夫婦

人妖公案

成化丁酉真定府晉州奏犯人桑冲供係山西太原府石州軍籍李大剛姪幼賣與榆次縣桑茂爲義男成化元年聞大同府山陰縣民谷才以男裝女隨處教婦女生活暗行奸宿一十八年未曾事發希投拜爲師將眉臉紋刺分作三絡戴上髮髻粧作婦人就彼學女工描剪花樣刺繡等項

盡得其術隨有任茂張端揚太王大喜任
昉孫咸孫原七人復投冲學各散去訖三
年三月冲歷大同平陽等四十五府州縣
探聽人家出色女子卽投中人引進教作
女工默與奸宿若有秉正不從者隨將迷
藥噴于女子身上默念昏迷呪使之不能
言動卽行奸宿復念醒昏呪女子方醒冲
再三陪情女子隱忍不言住兩三日又復

他之丁酉七月十三日至晉州葦村生員
高宣家宜留在南房宿宜婚趙文舉強淫
之冲不從文舉摔冲倒搯胸無乳摸有腎
囊告官械至京都察院具獄以聞上以情
犯醜惡命磔于市并命搜捕任茂等誅之

藍道婆

碣石刺談嘉靖中瑞州府有藍道婆者身
具陰陽一體無鬚鬚因束足爲女形專習

女紅極其工巧大族多延爲女師教習刺繡織紵之類卽與女子昕夕同寢處初不甚覺至午夜陽道乃見因與淫亂後至一家女徒伴宿藍婆求奸女子不從尋與父母語其故因令老嫗試之果然首于官捕至訊實以巨枷遍遊市里女子增失身者繼死甚衆道婆仍杖死所以人家三姑六婆不許入門以此

俗語有本

里巷長談出於史書者廣集三卷載之詳矣茲更得數十則人謂愚者曰不知鼎董爾雅釋草云蘋藇董注似蒲而細不知藇董者卽不辨菽麥意事不堅確者曰活脫釋草云倚商活脫注草生江南高丈許大葉莖中有蘗正白活脫者靡然如草意也隱跡曰畔陳後主時謠曰齊雲觀寇來無

處時事穩當曰妥帖杜詩千里初妥帖饋
人曰作人情杜詩曰拒救作人情官之職
掌曰管事李斯傳云管事二十餘年不正
曰差路差去聲唐詩云枯木巖前差路多
虛而少實曰空頭北史斛律金傳空頭漢
合殺習氣曰毛病黃山谷刀筆云此荆南
人毛病熱而不甚曰温暾曰樂天詩池水
暖温暾

鏤身

古人多有鏤身為飾者蓋文身雕題之舊習也越人以此避蛟龍之患南中有繡面老子裸人刺胸前作花蜀將韋少卿胸刺張燕公挽鏡寒鴉集詩荊州街子葛清自頸以下遍刺白樂天詩蜀市趙高背鏤毘沙門天王段成式門下騶路神通亦背刺天王又有一道士為郭威馮暉雕刺刺郭

於項右作雀左作穀粟刺馮以臍作瓮中
作雁數隻戒曰爾曹各於項臍自愛他日
雀銜穀雁出瓮則爾曹亨泰日也後郭祖
秉髦雀穀稍近比登極雀遂銜穀而暉之
雁亦自瓮中累累出矣是時暉亦秉髦一
時之雕刻却寄先徵奇哉

射畫擊衣

太公金匱載武王伐殷丁侯不朝尙父畫

丁侯三旬射之丁侯病遣使請臣尚父乃
以甲乙拔頭箭丙丁拔目箭戊己拔腹箭
庚辛拔足箭丁侯病乃愈此厭術之所由
始顧長康畫隣女針之而心痛拔針而愈
亦猶是也若史記索隱所載趙襄子從豫
讓擊衣之請讓拔劍三躍而擊之衣盡出
血襄子回車車輪未周而亾則精誠所感
氣固足以攝之矣

堅瓠集

卷四

粵

角

閻王

韓擒虎之將逝也人有疾走至其家者曰
欲謁王因問何王曰閻羅王擒虎曰生爲
上柱國死作閻羅王足矣又蔡襄病革興
化年李遵勗神人紫綬金章自云欲近代
者遵詢之神曰余閻羅王蔡襄當代我明
日蔡襄逝遵挽之曰不向人間作冢宰却
歸地下作閻王本擒虎語